

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U VISOKOM  
Broj: 041-0-Su-25-001768  
Visoko, 9.7.2025. godine**

Na osnovu okruglog stola održanog u Općinskom sudu u Visokom, posvećenog primjeni Zakona o zaštiti od nasilja u porodici i nasilja prema ženama u Federaciji Bosne i Hercegovine („Službene novine FBiH“, broj: 19/25), a kojem su prisustvovala nadležne institucije, službe i stručnjaci koji su direktno ili indirektno uključeni u implementaciju navedenog zakona, odnosno predstavnici Kantonalnog tužilaštva Zeničko-dobojskog kantona, policijskih stanica u Visokom, Brezi, Varešu i Olovu, kao i predstavnici Centara za socijalni rad i zdravstvenih ustanova u navedenim općinama, dana 27.5.2025. godine, doneseni su sljedeći

### ZAKLJUČCI

1. Institucije su razmijenile informacije o dosadašnjim iskustvima i izazovima u primjeni novih zakonskih rješenja.
2. U praksi je prepoznata potreba za unapređenjem saradnje svih uključenih aktera – posebno Centara za socijalni rad, Centara za mentalno zdravlje, policije i tužilaštva.
3. Centri za mentalno zdravlje tretiraju osobe koje nisu ovisnici ni psihijatrijski pacijenti, kroz grupne tretmane u trajanju od 6 (šest) mjeseci. Osobe sa dijagnozama i ovisnostima upućuju se na nadležne ustanove.
4. Uočen je problem nedostatka stručnog kadra u pojedinim općinama, posebno psihijataru, što utiče na realizaciju mjera.
5. Razmotrena je mogućnost organizovanja grupnih tretmana nasilnih osoba, uz fleksibilan pristup u skladu s brojem slučajeva.
6. Predloženo je da se za svaku mjeru prati realizacija kroz vremenski okvir, uz mogućnost obavještanja nadležnih ukoliko realizacija iste izostane.
7. Istaknuta je važnost preciznog vođenja dokumentacije i navođenja svih relevantnih okolnosti u zahtjevima.
8. Hitne zaštitne mjere koje naređuje nadležni policijski organ se razmatraju u kontekstu zaštite u hitnim situacijama, uz poštivanje zakonskih uslova.

Ovi zaključci predstavljaju smjernice za unapređenje pravnog okvira i njegove efikasne primjene u praksi, s ciljem zaštite prava i sigurnosti žrtava nasilja u porodici i nasilja prema ženama u Federaciji Bosne i Hercegovine.



**PREDSJEDNIK SUDA**  
**Avdija Avdić**